



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 107. Annebaldi Cardinalis fata.

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

Sæcul. XVI
A.C. 1557.

nam Toleti ex calculi doloribus ferme octogenarius Anno Christi millesimo quingentesimo quinquagesimo septimo die trigesima prima Maij fatis functus, sepultusque est in Ecclesia a se ædificata pro illis virginibus, quas etiam in supremæ voluntatis suæ tabulis omnium bonorum hæredes scripserat, ut in honestiori connubio collocari possent. De cetero quasdam concinnavit paraphrases in orationem Dominicam, & Salutationem Angelicam unacum annotationibus in Canticum *Magnificat*, quas Mariæ Angliæ Regiæ præter tractatum de legibus, & Ecclesiæ Toletanæ statutis nuncupabat. Porro superstitem reliquerat fratrem suum nomine Laurentium, qui aliquam puellam ex Cavajalorum genere progenitam sibi matrimonio sociavit.

§. CVII.

Annebaldi Cardinalis fata.

Aubery l. c. Alter ex Cardinalibus hoc anno defunctis erat Jacobus Annebaldus natione Gallus in Normanniæ Provincia ex Joanne Annebaldo, & Maria Blossata natus, fratremque habuit Claudium Annebaldum Marescallum, & Gallicæ classis Præfectum. Is clericali militiæ adscriptus Joannis La Veneur, seu Venatoris Avunculi sui curæ tradebatur,

tur, eidemque in Lexoviensi Episcopatū, & Beccensi Abbatia succedebat, tandem vero ad preces Fratris sui Francicæ classis Præfecti, qui tum in aula plurimum potentia valebat, rubrum Galeum obtinuit a Paulo III. Papa Mense Decembri Anno Domini millesimo quingentesimo quadragesimo quarto Cardinalium numero adscriptus, qui tamen, licet per integros sexdecim annos Cardinalitia dignitate fulgeret, nunquam Romanam urbem accessit: cum autem illius Frater Regis indignationem incurreret, ipsemet pariter ab aula recedere, ac Rothomagum sese recipere cogebatur, ubi etiam extremum diem clausit, die nona Junii Anno reparatæ salutis millesimo quingentesimo quinquagesimo septimo, quamvis Scriptorum nonnulli illius obitum ad annum sequentem rejiciant. Corpus ejus Lexovii in ejus Ecclesia Cathedrali prope Cathedram Episcopalem terræ mandatum quiescit.

§. CVIII.

*Fabius Mignanellius Cardinalis
mortuus.*

Tertius erat Fabius Mignanellius patria Senensis, qui Anno Christi millesimo quadringentesimo nonagesimo sexto primam lucem aspexit, atque a parenti-

Pallav. hist.

Conc. Trid.

l. 10. c. 8.

n. 1. l. 11.

c. 1. n. 9. &

l. 13. c. 6. n. 2.